

Na osnovu člana 16. stav 2. Zakona o Vladi Zeničko-dobojskog kantona – Prečišćeni tekst („Službene novine Zeničko-dobojskog kantona“, broj: 7/10 i 3/23), a u skladu sa članovima 40. i 52. Zakona o izvršavanju Budžeta Zeničko-dobojskog kantona za 2026. godinu („Službene novine Zeničko-dobojskog kantona“, broj: 24/25), na prijedlog Ministarstva za obrazovanje, nauku, kulturu i sport, Vlada Zeničko-dobojskog kantona, na 117. sjednici, održanoj 13.02.2026. godine, d o n o s i

## **O D L U K U**

**o usvajanju Programa utroška sredstava u razdjelu 22 - Ministarstvo za obrazovanje, nauku, kulturu i sport, pozicija „Tekući transferi pojedincima – Tekući transfer za predškolski odgoj i obrazovanje“ – izvor 10 Budžeta Zeničko-dobojskog kantona za 2026. godinu**

### **Član 1. (Predmet)**

Usvaja se Program utroška sredstava u razdjelu 22, budžetska organizacija 01, potrošačka jedinica 0001 – Ministarstvo za obrazovanje, nauku, kulturu i sport, ekonomski kod 614200, subanalitika MAD 206, pozicija „Tekući transferi pojedincima – Tekući transfer za predškolski odgoj i obrazovanje“ – izvor 10 Budžeta Zeničko-dobojskog kantona za 2026. godinu, u ukupnom godišnjem iznosu od 1.000.000,00 KM (slovima: jedanmilijon konvertibilnih maraka), koji čini sastavni dio ove odluke.

### **Član 2. (Način realizacije sredstava)**

Sredstva planirana ovim programom utroška sredstava realizovat će se isključivo u skladu sa realizacijom ostvarenih javnih prihoda u Budžetu Zeničko-dobojskog kantona u prethodnom mjesecu, planovima novčanih tokova Budžeta Zeničko-dobojskog kantona, te mjesečnim i kvartalnim operativnim planovima izvršenja Budžeta odobrenim od strane Ministarstva finansija, osim u izuzetnim slučajevima odobrenim posebnim aktima Vlade Zeničko-dobojskog kantona.

### **Član 3. (Realizacija Odluke)**

Za realizaciju ove odluke zadužuju se Ministarstvo za obrazovanje, nauku, kulturu i sport i Ministarstvo finansija, svako u okviru svojih nadležnosti.

### **Član 4. (Stupanje na snagu)**

Odluka stupa na snagu narednog dana od dana donošenja i objavit će se u „Službenim novinama Zeničko-dobojskog kantona“.

Broj: 02-11-2814/26  
Datum, 13.02.2026. godine  
Zenica

**PREMIJER**

*Nezir Pivić*

DOSTAVLJENO:

1x Ministarstvo za obrazovanje, nauku, kulturu i sport,  
1x Ministarstvo finansija,  
1x „Službene novine Zeničko-dobojskog kantona“,  
1x a/a.

## **P R O G R A M**

**utroška sredstava u razdjelu 22 - Ministarstvo za obrazovanje, nauku, kulturu i sport, pozicija „Tekući transferi pojedincima – Tekući transfer za predškolski odgoj i obrazovanje“ – izvor 10 Budžeta Zeničko-dobojskog kantona za 2026. godinu**

### **Član 1.**

#### **(Svrha Programa)**

Svrha ovog programa je da se odobrena sredstva iz Budžeta Zeničko-dobojskog kantona za 2026. godinu („Službene novine Zeničko-dobojskog kantona“, broj: 24/25), u razdjelu 22, budžetska organizacija 01, potrošačka jedinica 0001 – Ministarstvo za obrazovanje, nauku, kulturu i sport, ekonomski kod 614200, subanalitika MAD 206, pozicija „Tekući transferi pojedincima – Tekući transfer za predškolski odgoj i obrazovanje“, koriste za finansiranje realizacije Programa obaveznog predškolskog odgoja i obrazovanja za djecu u godini pred polazak u osnovnu školu koji se realizuje na području Zeničko dobojskog kantona u skladu sa Zakonom o predškolskom odgoju i obrazovanju („Službene novine Zeničko-dobojskog kantona“, broj 7/10 i 8/12).

### **Član 2.**

#### **(Visina sredstava)**

Visina sredstava utvrđenih ovim programom iznosi 1.000.000,00 KM (slovima: jedanmilijon konvertibilnih maraka).

### **Član 3.**

#### **(Izvor sredstava)**

Izvor sredstva: Budžet Zeničko-dobojskog kantona za 2026. godinu („Službene novine Zeničko-dobojskog kantona“, broj: 24/25), razdjel 22, budžetska organizacija 01, potrošačka jedinica 0001 – Ministarstvo za obrazovanje, nauku, kulturu i sport, ekonomski kod 614200, subanalitika MAD 206, pozicija „Tekući transferi pojedincima – Tekući transfer za predškolski odgoj i obrazovanje“, Izdaci iz budžeta – izvor 10.

### **Član 4.**

#### **(Korisnici sredstava)**

Korisnici sredstava ovog transfera su registrovane ustanove predškolskog odgoja i obrazovanja i osnovne škole sa područja Zeničko-dobojskog kantona koje su uključene u realizaciju Programa obaveznog predškolskog odgoja i obrazovanja za djecu u godini pred polazak u osnovnu školu.

### **Član 5.**

#### **(Kriteriji raspodjele sredstava)**

Raspodjela sredstava ustanovama koje su uključene u realizaciju Programa obaveznog predškolskog odgoja i obrazovanja za djecu u godini pred polazak u osnovnu školu, vršit će se prema broju upisane djece, odnosno broju formiranih odgojnih grupa i kombinovanih odjeljenja, te broju angažovanih realizatora za realizaciju Programa obaveznog predškolskog odgoja i obrazovanja za djecu u godini pred polazak u osnovnu školu, a u skladu sa Pedagoškim standardima i normativima za predškolski odgoj i obrazovanje („Službene novine Zeničko-dobojskog kantona“, broj: 2/11) i Zakonom o predškolskom odgoju i obrazovanju („Službene novine Zeničko-dobojskog kantona“, broj: 7/10 i 8/12).

## **Član 6.**

### **(Distribucija sredstava)**

Distribucija sredstava iz člana 2. ovog programa vršit će se prema generalnom planu korištenja sredstava i posebnom odlukom Vlade Zeničko-dobojskog kantona o odobravanju sredstava sa razdjela 22, budžetska organizacija 01, potrošačka jedinica 0001 – Ministarstvo za obrazovanje, nauku, kulturu i sport, ekonomski kod 614200, subanalitika MAD 206, pozicija „Tekući transferi pojedincima – Tekući transfer za predškolski odgoj i obrazovanje“, Budžeta Zeničko-dobojskog kantona za 2026. godinu.

## **Član 7.**

### **(Realizacija Programa)**

Za realizaciju ovog programa zadužuju se Ministarstvo za obrazovanje, nauku, kulturu i sport i Ministarstvo finansija, svako u okviru svoje nadležnosti.

## **Član 8.**

### **(Izvještavanje korisnika sredstava)**

Sve obrazovne ustanove sa područja Zeničko-dobojskog kantona koje su prema članovima 4. i 5. ovog Programa uključene u realizaciju Programa obaveznog predškolskog odgoja i obrazovanja za djecu u godini pred polazak u osnovnu školu, dužne su Ministarstvu za obrazovanje, nauku, kulturu i sport podnijeti izvještaj o namjenskom utrošku doznačenih sredstava u roku od 30 dana od dana okončanja realizacije Programa obaveznog predškolskog odgoja i obrazovanja za djecu u godini pred polazak u osnovnu školu.

## **Član 9.**

### **(Izvještavanje Ministarstva)**

O utrošku sredstava po ovom programu, Ministarstvo za obrazovanje, nauku, kulturu i sport je dužno polugodišnje izvještavati Vladu Zeničko-dobojskog kantona.

## **Član 10.**

### **(Generalni plan korištenja sredstava)**

**GENERALNI PLAN KORIŠTENJA SREDSTAVA SA RAZDJELA 22, BUDŽETSKA ORGANIZACIJA 01, POTROŠAČKA JEDINICA 0001 – MINISTARSTVO ZA OBRAZOVANJE, NAUKU, KULTURU I SPORT, EKONOMSKI KOD 614200, SUBANALITIKA MAD 206, POZICIJA „TEKUĆI TRANSFERI POJEDINCIMA – TEKUĆI TRANSFER ZA PREDŠKOLSKI ODGOJ I OBRAZOVANJE“, BUDŽETA ZENIČKO-DOBOJSKOG KANTONA ZA 2026. GODINU**

| <b>R. br.</b> | <b>Korisnik sredstava</b>                                                        | <b>Namjena korištenja sredstava</b>                                                                                                                                                                               | <b>Planirani godišnji iznos</b> | <b>Realizacije sredstava</b>                                                                                                                                                                                                                               |
|---------------|----------------------------------------------------------------------------------|-------------------------------------------------------------------------------------------------------------------------------------------------------------------------------------------------------------------|---------------------------------|------------------------------------------------------------------------------------------------------------------------------------------------------------------------------------------------------------------------------------------------------------|
| 1.            | Ustanove predškolskog odgoja i obrazovanja sa područja Zeničko-dobojskog kantona | Isplata bruto plaća i naknada angažovanim realizatorima u predškolskim ustanovama;<br><br>Isplata za materijalne troškove koji će nastati pri realizaciji Programa obaveznog predškolskog odgoja i obrazovanja za | 970.000,00 KM                   | Isplata bruto plaća i naknada angažovanim realizatorima u predškolskim ustanovama u tri mjesečne tranše (prema broju upisane djece, odnosno broju formiranih odgojnih grupa/odjeljenja, te broju angažovanih realizatora za realizaciju Programa obaveznog |

|                                                    |                                                                                                  |                                                                                                                                      |                 |                                                                                                                                                                                                                             |
|----------------------------------------------------|--------------------------------------------------------------------------------------------------|--------------------------------------------------------------------------------------------------------------------------------------|-----------------|-----------------------------------------------------------------------------------------------------------------------------------------------------------------------------------------------------------------------------|
|                                                    |                                                                                                  | djecu u godini pred polazak u osnovnu školu u predškolskim ustanovama (održavanje higijene, didaktički, potrošni i ostali materijal) |                 | predškolskog odgoja i obrazovanja za djecu u godini pred polazak u osnovnu školu, a u skladu sa Pedagoškim standardima i normativima za predškolski odgoj i obrazovanje).<br><br>Isplata materijalnih troškova jednokratno. |
| 2.                                                 | Ustanove predškolskog odgoja i obrazovanja i osnovne škole sa područja Zeničko-dobojskog kantona | Nabavka dnevnika rada, uvjerenja i kontrolnih lista                                                                                  | 10.000,00 KM    | Po fakturama dobavljača                                                                                                                                                                                                     |
|                                                    |                                                                                                  | Nabavka didaktičkog, higijenskog i ostalog materijala za škole                                                                       | 17.000,00 KM    |                                                                                                                                                                                                                             |
|                                                    |                                                                                                  | Organizovanje obuka i seminara                                                                                                       | 3.000,00 KM     |                                                                                                                                                                                                                             |
| Ukupno odobrena sredstva Transfera za 2026. godinu |                                                                                                  |                                                                                                                                      | 1.000.000,00 KM |                                                                                                                                                                                                                             |

Broj: 02-11-2814/26

Datum, 13.02.2026. godine

Zenica

**PREMIJER**

***Nezir Pivić***

DOSTAVLJENO:

1x Ministarstvo za obrazovanje, nauku, kulturu i sport,

1x Ministarstvo finansija,

1x „Službene novine Zeničko-dobojskog kantona“,

1x a/a.